

Abilene Independent School District

Office of Federal Programs • P.O. Box 981 • Abilene, Texas 79604-0981

KWA: Wazazi wa Wanafunzi Wote

KUTOKA KWA: Abilene Independent School District

TAREHE Januari 20, 2020

KUMB: Kadi ya Ripoti Ngazi ya Taifa

Wilaya ya Shule inawashirikisha taarifa hii kuhusu kampasi ya wilaya na watoto wenu kama sehemu ya wajibu wake chini ya Sheria ya Kila Mtoto Anafanikiwa ya 2015 (ESSA). Kadi za Ripoti Ngazi ya Taifa kwa ajili ya jimbo, wilaya na kila kampasi za wilaya zinapatikana kwenye tovuti ya wilaya kupitia kiungo hiki: www.abileneisd.org na tovuti ya ESSA ya Wakala wa Elimu wa Texas kupitia: <https://rptsrv1.tea.texas.gov/perfreport/frc/2019/srch.html>

Taarifa zilizopo kwenye kadi hizi za ripoti zinajumuisha:

- **Maelezo ya jumla ya Mfumo wa Uwajibikaji wa Jimbo la Texas**
- **Mafanikio ya Wanafunzi katika Ustadi** – inatoa matokeo ya utendaji wa Tathmini ya Jimbo la Texas ya Utayari wa Kitaaluma (STAAR) kwa kila somo na darasa lililopimwa.
- **Maendeleo ya Kitaaluma** – inatoa taarifa juu ya maendeleo ya kitaaluma ya wanafunzi kwa somo la hesabati na ELA/kusoma.
- **Kiwango cha Uhitimu** – inatoa taarifa kuhusu viwango vya uhitimu vya shule za sekondari ngazi ya juu.
- **Ustadi wa Lugha ya Kiingereza** – idadi na asilimia ya Wajifunzaji wa Kiingereza wanaofikia ustadi wa lugha ya Kiingereza.
- **Ubora wa Shule au Mafanikio ya Wanafunzi (SQSS)** – inatoa taarifa ya kiashiria kingine cha ubora wa shule au mafanikio ya wanafunzi, ambacho ni utayari wa chuo, ajira na jeshi (CCMR) kwa shule za sekondari ngazi ya juu na kiwango cha wastani cha utendaji cha ngazi tatu za utendaji za STAAR kwa wanafunzi wote, bila kujali iwapo walikuwa kwenye kikundi cha uwajibikaji, kwa shule za chekechea na sekondari zisizokuwa na kiwango cha uhitimu.
- **Hali ya Kufikia malengo** – inatoa taarifa ya upigaji wa hatua wa wanafunzi wote na kila kikundi cha wanafunzi katika kufikia malengo ya muda mrefu ya utendaji wa kitaaluma wa STAAR, kiwango cha uhitimu ngazi ya taifa, na ustadi wa lugha kwa wajifunzaji wa Kiingereza.
- **Ushiriki wa STAAR** – inatoa asilimia ya wanafunzi waliopimwa na wasiopimwa katika masomo ya hesabati, ELA/kusoma, na sayansi.
- **Takwimu za Haki za Kiraia** – inatoa taarifa zilizowasilishwa na wilaya za shule kwa Ofisi ya Haki za Kiraia kuhusu upimaji wa ubora wa shule, mazingira na usalama.
- **Takwimu za Ubora wa Walimu** – inatoa taarifa kuhusu sifa za kiweledi za walimu, zikiwemo taarifa zilizotenganishwa kwa shule zenye umasikini wa ngazi ya juu na ngazi ya chini katika idadi na silimia ya (I) watendaji wasio na uzoefu, yaani walimu, wakuu wa shule na viongozi wengine wa shule; (II) walimu wanaofundisha kwa dharura au sifa za kipindi cha mpito; na (III) walimu wasiofundisha somo au eneo ambalo mwalimu husika ameidhinishwa au amaruhusiwa kufundisha.
- **Matumizi kwa Mwanafunzi** – inatoa taarifa kuhusu matumizi ya fedha ngazi ya taifa, jimbo na mahalia kwa mwanafunzi mmoja mmoja, ikiwemo matumizi halisi ya wafanyakazi na matumizi halisi ya wasio wafanyakazi, yaliyotenganishwa kwa chanzo cha fedha, kwa kila wilaya ya shule na kampasi kwa mwaka uliopita wa fedha.
- **Ushiriki wa STAAR Alternate 2** – inatoa taarifa juu ya idadi na asilimia ya wanafunzi wenye ulemavu mkubwa wa kiakili wanaofanya mtihani wa STAAR Alternate 2, katika darasa na somo; Tathmini ya Kitaifa ya Maendeleo ya Kielimu katika jimbo lote, Kiwango cha Wahitimu Walioandikishwa katika Elimu ya Baada ya Sekondari.

Kama unapata ugumu wa kuzifikia taarifa kwenye tovuti husika, nakala za kuchapishwa za ripoti zinapatikana kwenye ofisi kuu ya wilaya au kupitia ofisi ya mkuu wa kampasi. Kama una maswali kuhusu taarifa husika, tafadhali wasiliana na Jeannie Forehand, Mkurugenzi wa Tathmini na Uwajibikaji kupitia: 325-677-1444, ext. 8156.